

Rot I Go
Long Heven



Insait
Long Buk
Rom

Husat em i gutpela?

"Olsem rait i stap pinis, I no gat wanpela stretpela man i stap. Nogat. Yes, i no gat wanpela. I no gat wanpela i save gut. I no gat wanpela i save wok long painim God. Olgeta i lusim rot pinis. Ol wantaim i bin kamap nogut. I no gat wanpela i mekim gutpela pasin. Nogat. Yes, i no gat wanpela!" (Rom 3:10-12)

Husat i bin mekim sin?

"Long wanem olgeta manmeri i bin mekim sin na ol i kamap sot long mak bilong glori bilong God." (Rom 3:23)

Pe bilong sin bilong yu em wanem?

"Long wanem pe bilong sin em i dai." (Rom 6:23)

"Long wanem belhat bilong God i kam long heven na i kamap ples klia. Na belhat i go long olgeta pasin bilong givim baksait olgeta long God, na olgeta pasin i no stret bilong ol man." (Rom 1:18)

Yu no inap mekim wanpela samting long kisim bek yu.

"Olsem na i no gat wanpela man bai i kamap stret long ai bilong God long pasin bilong bihainim lo." (Rom 3:20)

"Olsem na pasin bilong mauswara nating i stap we? Samting i pasim em. Wanem lo i pasim dispela? Lo bilong mekim wok i pasim em, a? Nogat! Lo bilong bilip tru i pasim em." (Rom 3:27)

Laikim tru bilong God i bin wokim wanpela rot!

"Tasol God i soim Em i laikim yumi tru olsem, taim yumi stap sinman yet, Kraist i bin i dai bilong kisim bek yumi. Na planti moa tu, nau long blut bilong Em, yumi bin kamap stretpela long ai bilong God. Olsem na bai Em i kisim bek yumi long bikpela belhat." (Rom 5:8,9)

Yu mas putim bilip bilong yu olgeta long Jisas Kraist.

"Yes, stretpela pasin bilong God i save kamap long bilip tru long Jisas Kraist. Em i save go long olgeta na kamap long olgeta i bilip, long wanem i no gat wanpela i narakain." (Rom 3:22)

"Em i olsem, sapos yu tok yes long maus bilong yu olsem, Jisas Em i Bikpela, na sapos yu bilip long bel bilong yu long God i bin kirapim Em long i dai, orait bai God i kisim bek yu." (Rom 10:9)

"Olsem na yumi skelim tingting olsem, wanpela man i kamap stretpela long ai bilong God long

bilip tru, na i no kamap stretpela long bihainim ol pasin bilong lo, nogat." (Rom 3:28)

Sapos yu bilip tru long Jisas Kraist

na Em tasol i ken kisim bek yu...

"Na em i bilip strong tru olsem, samting God i bin promisim, Em inap mekim tu."

(Rom 4:21)

...go hut na prea na askim Em.

"Long wanem husat i singaut long nem bilong Bikpela, bai God i kisim bek em."

(Rom 10:13)

"Long wanem rait bilong God i tok olsem, Olgeta man i bilip long Em, bai ol i no kisim sem."

(Rom 10:11)



FELLOWSHIP TRACT LEAGUE

P.O. BOX 164 • LEBANON, OH 45036

www.fellowshiptractleague.org © Tract 2205 (Pidgin)

All tracts free as the Lord provides. Not to be sold.